

(١٧)

حلم ضايعة

معلش أصلى نسييت افرح

صاحبنا البهجة أنا و عمرى ف بداياته

و فجأه أخذها و سبقنى و أنا لسايا فى المطرح

مع زحمة مواجعنا

بننسى إننا حاسين

بندى الدنيا فرحتنا نبادلها بلقمتنا

ونحمد ربنا ونشكر مادام باتوا العيال راضيين

تقوم الدنيا تخذعنا وتاخدها كده ببلاش

وتطلب مناصحتنا وقوتنا
ونحمد ربنا تاني
عشان ما نعيش
نقول ما هو اصله جه ف الريش

ولما يقل مجهودنا

نبص نشوف ايه اللي بنينا بجهودنا

نلاقى مكانا ع البسطة ما بين الادوار وف البدروم

وحلم قديم فيه الدنيا بمزيكا و فراش بيحوم

أتارينى و انا بجرى نسيت نفسى

بقيت ذكرى لواحد تاني

لا شكلى هو ده شكلي

ولاده سنى و زماني

نحاول ننسى و نكابر

فنحصد فاكهة معطوبة

فاتتنا المانجة فى يوليو بنستناها فى طوبة

وأنكر انى بتحسّر

وافضل احن و اتأمل و استفسر

حتدينا الحياه فرصة؟!

نشوف لون الفرّح من تانى ولا خلاص؟!

وانا اللي فهمت متأخر؟!

بيروت ٢٠١٠/٣/٣١